

湖
海
詩
傳

湖海詩傳卷三十九

青浦王 昶德甫輯

黃 易

字小松錢唐人監生官至運河同知有小蓬萊閣詩

蒲褐山房詩話小松尊人松石名樹穀因以小松爲號松石工鍊畫嘗客于我郡張文敏公家博通金石故小松愛古亦如之官濟寧凡嘉祥金鄉魚臺間漢碑悉搜而出之而武氏祠堂畫像尤多所見漢石經及范式三公山諸碑皆鑒鈎以行于世又工填詞官雖不達亦爲名流所重小蓬萊閣者其七世祖貞父先生讀書之所在西湖雷峯之麓今燬

送郭十四南歸

踏雪送君去江南笋正肥花隨春雨密帆逐亂雲飛歸興濃於酒波光綠上衣官閒貧亦好來往總忘機

吳門夜雨

虛負吳閶六日留殘冬衰柳繫行舟獨聽一夜蕭蕭雨也當

春宵卧小樓

登封九月十三夜作

雞唱蛩吟那得眠
高寒古縣早霜天
傷心卅八年前事
此日辭親上客船

嵩陽舊館圖爲盧雨田作

唐廬顚然嵩山草
堂有樾館創景臺
枕烟庭雲綸淙期
仙磴滌煩磯翳翠
庭洞元室金碧潭
諸勝謝時臣手摹
此圖頗得幽深之
趣今藏姚制府家
雨田以素冊索畫
爲寫此奉報烏倦
知還安居最樂
吾兩人志也并系
以詩

廿年前見樗仙筆
美煞唐賢舊草堂
何事河堤塵衮衮
半生辛苦飽風霜

與君把盞更看花
不管燈前兩鬢華
圖取嵩陽嵐翠好
無邊風月屬盧家

羅聘

字兩峯歙縣人布衣寓居揚州

蒲褐山房詩話兩峯爲金壽門弟子能畫尤工梅生有異稟目見鬼物有所遇輒寫以長卷久之成鬼趣圖殊形異狀宛然異道子地獄變相又如讀五王樓炭經也其寫大阿羅漢及摩訶薩各像足與崔青蚓陳章侯上下又能詩好遊山精通佛理專向樂邦撰起信錄釋禪淨兩家之惑索余序之游京師最久垂老歸揚州僅存登岱詩二卷

登岱頂

石骨攢仙巖紆迴盤磴窄
巍巍氣象尊仰止高莫極
肩輿慰夙期慙愧役人力
初登雲未生移時問羈離
忽焉出山腰俄訝沒山脊
脩然天風吹雲開見絕壁
一線天門通巨靈何時
關我欲披霓裳排闥整巾幘
行行造其巔將訪安期宅孰知

倚八埏布密了無隙不見九點烟只愛山雲白

雨中復止岱宗遇聶二 叔 歸簡朱大 貫

夜雨侵客枕山雲宿官閣起聽新瀑聲遙從空澗落因思凌
屏頗飄然出城郭抱癖憐寡諧不憚濕芒屨陟歷忽逢君笑
謂似宿諾相與事躋攀一一恣搜索東崖疊壁黝西嶺攢劍
鏐矚目干芙蓉雲中辨隱約萬松爲笙竽寒風噫崖岬盤廻
走玉龍聯絡垂珠箔大聲吼波濤小聲繫鈴鐸石凹水凝碓
笠斜風欺箬墨汁看屢翻雷雨復交作飛來澗底龍噴灑遍
林壑歸興時恐傾磴滑難停脚未免俗士譏亦任山鬼譁靜
悟造物心所忌在極樂不知雨便佳茲游足凌轢况有未來
人尙爲塵事縛

投書澗

胡安定公讀書處三年
家書不開盡投于此

性拙寂爲樂真意遂欣賞入門花氣深隔澗人語響茶烟出
樹間山雲戀石上前賢授經地我來親嚮往想見投書時理
愜道益廣

御樟坪

爲宋真宗
駐蹕處

橋平便游屐赤欄無巧斲窺澗俯亂流面壁仰飛瀑或如雪
作花或如几鋪玉或如大小珠倒傾千萬斛山靈慰勞人娛
耳復娛目淹留坐陰磴不獨洗煩潯因歎祥符初繁華逝水
速玉輅載天書萬乘來空谷辛苦獻芝人於焉開御幄遺跡
問清流高松聲謾謾

鎖雲巖

綫路依巖根行行一延竚題字侵壁苔剔抉偕吟侶窮搜遂
幽懷陰實晴猶雨不見崖下人但聞崖下語

汪履成

字素之全椒人貢生

朱洪泉叱犢圖

兒寬苦帶經李密勞挂角當其未遇時二子豈不卓犖上佞
文詞竊據空倚捫乃嘆功名士往往學非學君心謝塵鞅華
黍奏笙樂隴首自耕耘堂前供稍穠蘄屈非求伸玉質何須
琢所以十畝間觀書能卓犖因知名山藏道不離謹慙志紛
業必衰性篤思愈邈遠聽聲琅琅遙聞蹄趵趵谷響人不知
日煖鳥偏覺秋雲被良田春酒奉慈幄一笑捧檄愚願貞介
石確牛後我欲從努力買礪确

金陵道中

自傷離後飄零未有家石城新雨過水閣夕陽斜愁緒如

芳草春心畏落花不堪思故劍涕淚滿天涯

大姪上章自西江歸見於梁山旅次

去年正月上長安爾已乘舟十八灘南北迢迢相憶久音書
落落幾回看勞身漸覺同心少握手翻嗟見面難風雨一尊
聊永夕他鄉骨肉愛團圓

陳焯

字映之號無軒烏程人貢生官鎮海訓導有湘管齋詩

稿

蒲褐山房詩話映之清才博學所居湘管齋具圖書琴鼎竹木花藥之盛又舉
欽定三希堂法帖釋文考其行草偏旁印章名氏以惠學者所至採訪詞人逸
事撥其事蹟盡浙東之行秘書也其詩采采流水蓬蓬遠春正如表聖所云常游
粵東養水坑上品且慕懷仁聖教內水華二字刻銘視背以贈朱大令笠亭笠亭
轉贈於子藏之文笥每
溪雨欲來依然光潤

安邑宋明經芝山爲寫湘管齋圖並題古風次韻以

謝

當年闢地構茅屋偶種森森數竿竹何期妙繪揮烟雲更枉
佳篇吐珠玉吟高韻落見性情畫致蕭疎謝青綠君家本近
中條山游蹤應歷王官谷味外得味思酸醎品入司空廿四
日餘事兼於六法精一水一山必甄錄詩中有畫畫中詩如
此襟懷迥邁俗束手驚看王宰圖賡吟歎絕陽春曲他時歸
去擁林於清齋不厭食無肉嘉話還增寓賞編

余所錄唐宋元明
人書畫編名也

看取琳琅繼都穆

海鹽朱笠亭進士見芝山所寫湘管齋圖爲更作素
心閣圖卽次芝山詩韻題句三疊前韻爲謝

蕭齋僅是打頭屋小閣重開傍湘竹素心延賞莫如蘭勝日
披懷人似玉高高直接弁峯蒼渺渺遙看茗水綠縱使城市

多囂塵閉戶何妨卽深谷樊桐山人

號亭

古誼深十載追從見

青目前疏後疏爭輝光

前者募造湘管齋疏笠亭作也今復與素心開疏云

一圖再圖成典

錄興來更和廣平詩瓊瑋清雄真絕俗我閣猶在廣漠野我心已寄欄干曲能令止渴遠林梅實且快意屠門肉他年締構可同登再繼雅風歸渾穆

紫陽別墅有周斐摩厓石刻詩因次其韻

泉石耽成癖圓亭偕作家捫蘿緣磴上剔蘚見題斜敢擬舟藏壑寧同鏡映花虎林傳吏隱

元人李衍號虎林吏隱

亦願老煙霞

勞攘風塵後稍安卽是家玲瓏山骨瘦澹沲水痕斜風落猶聞葉冬寒不見花朝暉兼夕照却愛望雲霞

細讀摩厓作汝南識故家

昔卽周氏所居

筆峯排曲折

鵲筆

釣石帶欹斜

詞垂鈞微

儘可爐煨芋還期雪作花螺泉涓滴出酌飲勝流霞

書畫南宮舫門庭北聖家

院舊有南宮舫而門與堂北向

看潮石臺峻

湖看潮臺

巢翠草

亭斜

謂巢翠亭

詩逕尋山腹

謂尋山腹

春池聚墨花

謂春池

攝官聊至止逸興其

飛霞

吳 憲

字植客海寧人諸生有拜經樓詩集

蒲楊山房詩話按客志在烟霞情殷金石少時所著國山碑考極為詳核又喜搜羅宋元刻本如陶淵明謝元暉諸集皆取而重刻之學者珍為秘寶

復偕諸子游審山過碧雲寺尋稚川丹井

蒼莽紫硤天停午景猶晦吟朋互牽攀適與雲意會遂扶巖
中屐小聽風前呌珠宮隱單椒高標湧香界其下選佛場古
碣昧人代摩挲綠蘚痕一再丹泉慨五濁儻可蠲千劫理不
壞回頭見絕壁竹影動瑣碎竊然木末亭勢壓孤鳥外疎鐘
引微徑蛇行出其背方知琪樹林別有天然證

山有天然圖畫閣

層闌

其徙倚湖海眇襟帶暮靄俄西來松陰欲沈薰平生志邱壑
意行隨所屆奚必三山期更把浮邱袂

漢雁足鐙歌爲述菴司寇作

君不見咸陽青玉銷沉久七尺蟠螭希世有先生眎我六寸

鐙清光徧照西湖柳攷工制度窮形模鶴脰高拳雙雁附注

膏未見安

音

樣中規璧羨穿青蒲

攷古圖載京兆蘇氏鐙盤中有以注膏此鐙盤中穿如璧羨而無

制別

林華宮觀迷華飾恒滿蓮枝虹運熄

恒滿鐙即常滿鐙見西京雜記 鹿盧龍虎

非其匹黃鵠踟踟嗟蘋食甘泉蓮勺車官繫貢金不待梁山

銅五鳳黃龍飛上天誰歟更守宣王軒得無巧匠菊與緩護

建惟憑奄寺選

漢書王莽傳內者令爲傅太后張帳蓋內者主供張奄人職也

籀文斯篆錐畫沙蟲魚

細瑣昆刀剡炎精八葉承宴安潤陵多蕝史所傳建昭乙酉

年

歲肇造嗇夫丞令星羅躔駸駸陰氣盛沙鹿懷月已符政

君卜賜子便番降內家紀元乃復餒陽朔陽平行序爭驕貴
何異鴻軒及鱗次大尉想照作美鯖蚌脂怒挺芝蘭穗鐘磬
唱闕鄭舞催土山漸臺高罪戾家僮干指競攜舉壁帶金釭
何有哉鉅平京兆無憑藉輕擲牛衣撼恩澤身亡不待九回
呼血化應先土花碧十侯五將總傾朝文母徒知守黑貂彌
天步障一朝散詎有殘燭當風搖孤鐙冷落二千載泗水汾
陰同顯晦內史風流獨見收耿耿涼宵短檠對檠光雁影兩
差池猶憶西京晚祚時木門倉琅燕啄矢啄破綠綈贖方底
鴻冥夫豈避雌伏瞥眼繁華同錠燭知公雞足山頭禮佛還
宣和不錄傳燈錄

博古圖不
藏諸經

奉次無軒二兄湘管聯吟元韻卽以爲詩

蝸壁新泥同發屋茆簷日日啼青竹

青竹筍鳥名
見歐陽公詩

落窠村居過

者誰屈指故人惟伯玉

會遠見訪

廣文三絕吾方愛未許霜毫染脣

綠平生足跡半瀛壖可但秦淮與燕谷海昌權學昨年至舉

止風流照人目崔嵬但載玉川書賞析猶承直齋錄

宋陳直齋書錄解題

卽今璜宮爲君壽希韞鞠脰傳舊俗齊眉况有齊年人謝庭

飛絮翻新曲閑將玉稱佐衡才暇事詠諧歸割肉似聞舉觴

重視君久矣功名輕費穆

寒食嚴陵道中遣興

老我一身輕飄飄媿此生分釵無婦寄古墓有人耕塔暝雲

中寺花飛瀨上城轉憐漁父好換酒過清明

贈述菴司寇

當代無雙士惟公第一流籌邊嘗聚米作賦擬登樓氣挾三

江潤身兼五岳游西泠奉顏色恍挹列仙儔

著作心猶壯披尋手不停龍門偏握髮虎觀屢談經學統開

三浙詞源拱百靈天台雙屐遠

謂次風先生

洗眼萬松青

海內存知已天涯問草萊

鸞與先生素未謀面時蒙子知舊問詢及

諸侯誰下士夫子

獨憐才飄泊青陽晚飛騰白髮來何當陪賀監日棹酒船廻

善卷水洞

翠壁排空勢欲傾玉龍飛出更崢嶸祇看樹色連雲色不道
風聲是水聲淪茗聊資仙竈火敲碁漫倚石牀枰人生到此
元忘世何必滄浪始濯纓

龍門山晚眺

百折丹梯鳥道旁龍門落日迴蒼蒼危峯石裂雲多變幽壑
年深樹有香事往湖樓歌管歇秋來野寺佛鐘長還舒不盡
登臨眼直送江湖過禹航

嚴先生祠題壁次汪小海韻

暫脫羊裘寄釣臺先生歸後麗華來雲峯總使高千尺不及
長門淚一堆

方薰

字蘭坻石門人布衣有山靜居稿

蒲褐山房詩話東南布衣能詩者自李客山後蘇州張皇南沙斗初吾松翁石
瓢而嘉禾爲方蘭坻能畫光工蘭性情和雅儵然自得故稱其爲隱君子也

十二里洋中流望兩岸遠山

陂塘水時涸舟楫艱旅情掀篷人澗瀼天水相與明撈波散
鷗影曳林起蟬聲菱荷隔浦香桑柘開茆衡快此琉璃界令
我耳目清中流山光來爭欲褰裳迎青浮雲表出翠抹烟中
平雲烟一以散遠近難爲名惜哉縱權過目斷修眉橫
寒山訪趙凡夫故居

峯峯莽迴互仄徑開林陰空谷有高巒岩居阻幽尋百年小
宛堂遺構留雲林深知樂山者獨抱考槃心脫畧世故累痼
疾烟霞深矧得偕隱賢能和邱中琴江梅見風格香滿寒山
岑

畫墨竹

山澤間雁不知向從事毛錐頭已禿硯池中有梅花泉一竿
兩竿寫蒼玉纖風午夜搖空庭鳴璫翠羽來湘靈湘娥清怨
入瑤瑟二十五弦聲泠泠散入深宵不成夢影上闌干舞青
鳳酒醒香殘看未真墨痕著處秋陰重

過養真村舍

伯休耽市隱思邈亦山耕曉樹有花落春原無客行力農敦
本務用拙見高情何處存吾道長鑱竟此生

和鮑綠飲簾鈎

彎環懸處畫檐深小挽湘波若不禁燕蹴誤鳴雙曲玉婢傭
遲上一鈎金輕掠雲髻釵聲溜頻捻春莢粉膩侵坐覺纖風
吹不定莫教捎起下花陰

試燈漫成

招邀且復踏歌行扶醉今宵快旅情花底華燈懸夜市笛中
明月滿春城貧偏仗歲成豐稔老令隨鄉樂太平酒醒歸來
初得句拂階梅影已三更

程君凝霞彈琴

人意冰絃相與清月華如水夜三更誰知曲裏思歸引多是
天涯旅雁聲

東湖卽景

張家林亭杉葉遮李公橋外柳絲斜不知九派東湖水流
春城幾處花

翁春

字澹生號石瓠江南華亭人布衣有賞雨茅屋詩鈔

蕭錫山房詩話石瓠遠性風疎脫情雲上蕭條孤寄不與世俗相關汪上舍大經序其詩云皆恬淡甘寂寔秋水春母精讀教弟年踰四十不娶不就有司試爲詩一唱三歎如朱絃越瑟足以盡石瓠矣集中佳句如寧鑿入夢三間屋風雨歸心一掃書病起自驚興食雨花開又負故園春簾波暖近詞笙路柳色寒欺側側風游跡重尋鷓鴣不外人半憶馬嘶聞人來山色蒼蒼裏春在梅花淺澹時許川晦羅昭諫不是過也

游龍門寺

信屐破白雲得逕遠塵闌欣踐物外蹤老鐵遺躡在微風灑
高杉滿院落春黛兼天手植杉樹存小憇佛香中僧雛淡相對疎磬時
一聲幽花弄餘態空空雖未談心心亦無礙逍遙潮來途欲
蹴池光碎叢篠搖夕陽明滅歸禽背

集飲學福齋花下以吟情多在酒旗前分韻得酒字
揭來雨乍晴鶯喚隔溪柳一徑帶草柔半尺春泥厚高館敞
暄風庭花粉以糝香散堆牀書色弄盈尊酒良會喜再續名
理互論剖犖犖渥顏翁玉塵揮座右扶此六籍蘊瀉之懸河
口嘉吾同志朋才章俱無偶推激到風騷追琢及瓊玖繁余
獨清放烟江笠覆首適從射鴨還欣此醉銅斗舞落簾前花
夕陽排闥久

二如書壘坐月有懷

皎月澄秋霽流光池北居美人眇河漢離憂消琴書荷葉冷
欲折桂花香米疎憑軒久延佇暗露沾衣裾

羅衲海將客蕪城詩以言別

憐君一揮手千里莫雲遙豈爲飢驅慣頻頻勝引招葉聲荒

寺雨秋色大江潮又覺吟豪健蒼茫感六朝

南屏熒虛上人同沃田先生西溪觀梅先生倩陳君
惠疇寫兩人照而上人爲之補圖賦詩歸示及門諸
子余亦承命奉題

西溪有佳約老不忘梅花孤艇破澄綠數邨明澹霞相攜白
足侶來品紫茸茶笑指板橋外亂流疎影斜

病中偶述

倭佛希蘇晉鈔詩愛杜陵葉深四壁雨秋老一窗鐙蕉鹿夢
何有蘓鱸興欲乘指磨圓鏡裏生意自騰騰

宿東山書屋

暝色起蘿徑高眠山館幽松闕孤枕夢蟲語一鐙秋良友違
多日清醪凍半甌疎櫺月東上爲我更添愁

王荔亭席上送別俞月樵時赴揚州張致齋總戎約
論別南村蟹正肥交情風味兩依依已酣尙勸釐前酒欲去
深畱月下扉長谷濤生帆北度廣陵鐘斷鴈南飛元戎小隊
江亭會回首菰蘆隔翠微

揚州春游奉懷沈沃田先生

揭來望古襟情勝名士風流總不羣官閣開尊何水部蕪城
作賦鮑參軍疎弦夜鼓花前雨細馬晨銜江上雲半刺那知
磨字減笑他殘客日紛紛

念無杜牧共清游爛醉狂吟欲白頭春雨楊花新酒肆東風
燕子舊歌樓二分月影關山夢一泓濤聲今古愁典卻鸕鷀
歸計得滿囊詩卷壓扁舟

過亾友欽蒙哇邨居

芳塘一山水粼粼重過晴邨欲愴神長卧有人寧覺曉落花
無主可憐春舟橫釣渚魚吹浪窗掩琴臺鼠蹋塵顧影空慚
子桑扈夕陽芳草重逡巡

夜過潭上

紫荷花老碧潭虛一帶蘋垣草不除馬策再過沈醉後雞壇
重憶定交初風淒柳岸空歸鰕月冷松窗罷著書剩有騷魂
招未得遠鐘聲裏獨欷歔

研山自閩中來飲予白龍潭舟次卽送解維之漸江
二首

我友乘秋發半漕輕帆昨夜過橫塘論心獨歎家何在握手
先驚鬢已蒼悔不短衣隨射虎翻於岐路覓亡羊據舷且醉
龍潭月天放成名豈酒狂

少時烟墨門潭東繼犬抨弓也自雄命折飛騰雙翅塌綠營
放達一尊同高田種麥歌方罷遠漢生潮夜已中無那離情
紛欲理又教吟夢繞江楓

慶蘭

字似邨姓章佳氏滿洲鑲黃旗人諸生文端公第六子
有似村吟藁

蒲褐山房詩話似村兩世平津諸兄應仕郎姻婭亦皆貴盛猶爲筆帖式遠謝病
家居居相府後冰漿局老屋數椽軒窗枯槁獨拓地數弓種竹數十竿並葺西山
沙土以植之愛蘭而北地無蘭取以自名常爲永
樂早亡無嗣蓋其性情幽淡非軟紅所得久耦也

訂簡齋往過

清談相訂菊花期正慰幽懷入夢時空谷傳書鴻屢至閒庭
掃徑僕先知關心尙憶他鄉客

時以詩
寄三兄

因病翻添數首詩聞道

芒鞋將我過倚闌只恨月圓遲

余秋間重過白下適簡齋杭州未歸不獲再一握手

別後却寄

返棹重停白下舟欲親笑語故遲留與君握手差三日

子九月一

日過白門開簡齋九月四日歸小倉不能再晤

爲我還山負九秋不晤爭如相見好

來札有相見爭如不

相見之語

重離難補十年愁此情竟被風吹斷淚似江流那肯收

奉和蘭泉先生寄懷原韻

遙分清俸度新年薪水無愁樂自然更買梅花供硯北春融

香滿屋三椽

鏡中髣髴影帶霜華詩渴全憑一盞茶縱是無兒書尙在竹窗

課女作生涯

秦關百二擁旌旄十樣詩箋問薛濤不是通家情誼重敲門

誰肯訪蓬蒿

七載相思喚奈何纏綿語是故人多盼將尺素傳雙鯉戴笠
持竿釣潞河

吳鈞

字陶宰華亭人布衣有獨樹園詩

十二古銅鈞歌爲鄭三雲使君作

慈溪使君示我銅鈞十有二紫斑繡澀青花膩錦包綿裏捧
鞠躬甲乙參差雁行比或云三代禮服帶用鈞夏后鳥書

傳欸識

齊尚功錄鼎款識首載吳鈞帶

或云小戎纓甲相綰連夔拜軍容此遺制

一鈞體長腹大堅不磷度以周尺將八寸蛟胎皮蹙碍手文
想像考工牲血斃其次九苞彩細頭角獬或刻睡鳳雕龍形

黃河沙岸神物出千年猶帶波涎腥

龍鈞各一

自餘兩鈞長且瘦

兩鈞短小樸不鏤楚晉盟壇陪莒許耆老盤筵雜童幼辟邪

大鈎縮困蠶四脚爬沙口哆吻八分小字填水銀筆法曹全

意差近

碎邪大鈎背銘碎邪二字八分書

雲鈎鑄作尤瑰奇蓮瓣細花凸而隱虎

頭出土同光精剝盡黃金中不損

雲葉蓮瓣虎頭各一鈎

更有一鈎範作

鯉形兩手握之勢適緊銘云抱魚丙午鈎余識篆體知爲

周使君得此占作識指日衮衮登公侯

丙午鈎狀如二手捧魚銘云丙午鈎手捧魚位王侯九字篆書

嘗考宣和圖錄獨遺夏鈎帶呂氏三條亦僅載

呂氏考古圖祇載三鈎

使

君好古入骨髓真賞與同葉龍愛我來醉卧菊花傍夜夜巾

箱見光怪

晚興

新沐葛衫輕閑尋絡緯疎嫩涼葵葉扇暗綠豆花棚雨歇

還汲潮來月欲生前村危吹急燈火有人行

次韻王孟公柳渥一曲遣興

柳渥一曲錢文通公所築別業舊額

金字誰家屋臨流印數間露花紅點岸風柳綠侵灣客羨池
魚樂人分水鳥閑江干多苦竹我欲檝從刪

水閣偶集

小軒突兀大池旁三面闌干一面床垂釣不妨聯客座看山
何碍缺隣齋杯分柳色霑唇綠水帶蘋花入硯香記得手鉏
澆确種芙蓉幹已及肩長

集醉白池

咬咬嚙嚙水禽啼寒食籬根紙滿蹊句裏豔情撩芍藥酒邊
春夢滯棠梨大名字宙諸家集謂顯黃兩先生清氣乾坤四壁題休道
主人無長物空廊貯得種花泥

蔣元龍

宇春雨秀水人貢生

菜花鱸

亦擬持竿學釣翁
湖天連日雨濛濛
菜花開後魚方上
竹筍香時信早通
不識鄉音呼吐捕
何須歸計說秋風
年來枉作吳淞夢
又悞春帆一片東

秋燕

烏衣巷口冷斜陽
爭說當年王謝堂
一自梧桐飛藻井
漸無魂夢到雕梁
可堪別後星河隔
不省來時歲月長
只是將雛憐計拙
依稀還繞九迴腸

西風促別暮烟交
枉被銜泥附熱嘲
何限春心隨絮影
強存歡語在花梢
天邊詎少曾留爪
日後難忘已定巢
回首繫殘紅一縷
主人恩重忍輕拋

酒旗和吳西林先生

東風搖颺一行斜獵取春光爛不遮幾處題詩誇竹葉有人
扶杖趁梨花小橋流水情無限野店荒村夢愈賒最是殷勤
留盼意白公集裏認仇家

王開沃

字子良號半菴鎮洋人諸生

蒲褐山房詩話子良政節潤目意致脩然尤工於長短句寓關中修
藍田縣志能盡山水之勝旣而主醴泉書院凡十餘載客死于秦

秋杪游中峯

秋色淨天地砌盡寒獨陰客懷亦閑曠策杖窮幽尋古寺少
塵跡日斜珠殿陰纔經薜蘿滑復轉筠廊深山鳥不避客翻
然下高林清風吹梵唄泠泠有餘音

蝦蟇

爾雅注魚蟲條析到微族蠢茲黽與蛙蠕動遍水陸陸處近

蟲類水居混魚屬

爾雅蔡葵在釋
蟲水也

要從科斗生或並蟾蜍育雌雄

罕能辨青紫徒見鷺三冬方互寒錦襖苦不煖泥中謹潛藏

龜下守縮鴈兩兩抱背眠紛紛疊股宿一逢啓蟄俟裸袒日

相逐前行尚蹢躅後跳轉才于草際每持鴈人前輒怒目胖

體多痲癰隆顛斗蠶瘕久蹲促其脣暫仰蟠厥腹口濶如箕

張項短若鰻縮無腸偏納汗

酉陽雜俎
鰻無腸

反舌易汗俗

李時珍本草反
舌無聲指鰻蟄

也捕蚤固鈔功噉載彌腊毒聲音托安漢尊大儼帝蜀憑軾

搆越兵給廩糜晉祿罵坐非灌夫胡爲興謗誑詎地非張儀

胡爲肆振觸冉耕歌茅苜

詩說茅苜
蝦蟇衣也

年命緣爾促新臺傷醜醜

床第增爾辱有時現金管禍招武牝酷有時蝕玉輪忍令決

鼻蛆

決鼻月
也

在官復在私爾罪總莫贖吾廬枕荒江春水漾澄

綠別圃生蕪萊餘町藝穉穉此曹窟其中國族聚歌哭幻作

曾伽形妄稱鼓吹曲獨吹破禪心羣噪妨夜讀禁咒乏奇方
豐凶厭頻卜終當付蝸氏辟除焚牡鞠

同盧廣文月船登寶林寺梵天閣

傑閣倚峻嶒危闌客共憑磬聲寒出竹山色淨宜僧外道嗤
無想壇經緬惠能

相傳爲六祖道場

萬緣何處寂風壁閃秋燈

送張約齋之秦

約齋平陽人北闕下第游滄溟間秋仲始歸余適掌龍河書院遂定交焉未幾復應臚西記室之聘以詩贈

之

惜別在初會況逢搖落辰白蘋寒野渡黃葉送詩人冀北方
垂翼淮南少縱鱗知君西笑意行探隴頭春
百二函關道崎嶇賦載馳大河流禹蹟明月見秦時書記雖
云樂秋懷亦易悲可還憑雁羽尺素慰相思

王翰青

字鄂舟德清人諸生

小寒食述菴先生招同游東湖拜蘇雲卿祠分韻

東湖春可游草樹潑螺黛流觴補修禊冷節明已逮騶從絕
喧闕賓客侍公退隱居有專祠路出茅屋背到門黃蝶飛依
舊一畦菜採蘋薦馨芬掃葉去荒穢緬懷嘉遯人此間寄輶
晦于時小朝廷國步見窘態如何天下士經濟軼流輩見而
不能舉管樂讓前代伐檀節彌厲清人師用遺使早得先生
方畧定無對才空張浚知享令徐穉配我來已後期聞言太
息再何當肅撫衣清吹接警歎

趙汝霖

字惠蒼青浦人諸生

蒲偶山房詩話惠蒼四世皆以文章舉行著名峯泖其尊人伯期先生由名進士
爲江西循吏宜黃人至今尸祝之惠蒼賦才英敏有詞以達其才有調以顯其氣

所作多多益善不自珍惜故多散佚予中歲以來海內賢士大夫以詩投贈者多如東筭而今底常全椒汪君庚主事長洲陳君鍾麟獨用七言排律百韻同知吳縣孔君傳金貢生錢唐項君塘諸生昆明陸君藻吳縣張君鑄江寧黃君之紀嘉定張君彥曾惠縣楊君之瀾皆用五言排律百韻又錢徵注君光燧光烜重集千字文皆體大思精文繁理富而惠蒼是作清新工整聲調鏗鏘故采錄于此其餘不能備載

謁忠義祠

祠在學宮創於王廣文希伊祀明給事中陳子龍孫訥及子深州知州贈太僕卿士美

人生少建樹零落等百卉俯仰生民來代謝一何駛是惟正氣存千載常不毀上可光邦家下可式閭里廟食垂無窮聞風足興起青溪清且深泖澱迭交滙原隰既廻互峯巒復遷池地當華上交偏隅稱都鄙境僻無浮夸民良恥譎詭先朝神廟初縣治實初徙循良勞撫字先後克濟美遂使百里間醇風布遐邇王澤未衰遲膠庠樂佑啓惟時青衿士周道式如砥出則麇卷阿明廷列金紫處則安澗槃空山藝蘭芷時窮節乃見遯荒甘沒齒或懷踐土悲或抱食粟恥徵文而考

獻約畧可屈指誰歟誓捐軀大節炳國史曰惟孫與陳屹然
成鼎峙孫公本孝廉忠愛夙自矢小試爲廣文舒城始筮仕
適當流賊亂郊原屯蜂蟻令以他事出孤城危卵累公無民
社寄職不任鞭弭愛國在愛民何暇分人已馳驅七十日四
郊獲寧救褒擢旌功庸姓名達宸扆天兵從東來烽烟接
河濟聲撼太行山風馳滹沱水深州彈丸地風鶴驚喪七公
時爲刺史國事更如燬軍伍乏丁壯倉儲無芻米力窮勢不
支士卒悉解體登樓望京華愁雲凝黻黷俯仰感生成冠裳
肅拜稽上念國士恩腹心備驅使下念鞠子哀恩勤無涯涘
平生子臣義報稱曾有幾城亡親亦殉啣哀哭不偯一死亦
何裨九原尙心痍哀哉十三人瞬息分人鬼破巢問完卵惟
聞兄與弟廉吏有子孫躬耕安耘耔黃門大雅材偉哉天下

士抱負侔長沙經術擬中壘餘事成詞章秋旻散霞綺敦盤
羅羣雄騷壇執牛耳雲間號文藪海內遵遺軌力挽文風頽
淵然還正始聲華馳京輦公卿咸倒屣奇才不世出適丁國
運否枳棘棲鸞皇乃爲越州李是時浙阻飢黎民半凍餒中
澤哀鴈鴻深山盤蛇虺歷事五六年賢勞無寧暑彌繼力已
殫保障功亦偉守令盡若公禍亂庶有弔無何神州陷擁戴
導福邸天子號無愁政柄歸宰嚭析楊北寺獄苞苴西園賄
外鎮咸怙然內廷耽淫侈江表王氣終天塹方倚恃惟公職
諫垣感懷日撫髀傷心三十疏痛哭復流涕忠謀適不用危
亾伊何底鎖斷長江炬組繫軹道壘填海誠有心何憂波瀾
瀾移山誠有志何憂石岬岬報劉旣已遂甘從邱壑委至今
廣陵潮哀音同湘漣

王師行弔伐望風悉披靡臣僕遍

海壖元黃奉筐篚豈無股肱臣乞哀拜階陛豈無干城將儉
生戀戟榮螳臂亦區區思向車轍抵一蹶不復振是亦徒爲
爾人臣矢報國忠孝無二理親病縱莫治勿藥竟奚俟利合
害卽去則將焉用彼賣國與捐軀其究何者是太息百年來
故居沒遺址荒坟與斷碣多半蒙棘杞徒令有心人望古增
歔歔我皇崇教化亘古誠莫比予以植天經予以篤人
紀眷懷勝國臣忠貞敦素履靖難鼎革時先後同一揆榮犬
曾吠堯帝堯不爲罪滌瑕蕩厥垢普天雨露洗爰錫易名典
哀榮軼銘諫爰建忠義祠春秋陳簠簋詔書所經行扶桑
及濛汜野老何所知感泣空山裏國典卽民彝淪肌復浹
髓英靈常不滅天門騎箕尾耿耿日月旁寰瀛共翹企而况
我鄉人是爲桑梓何爲歷數年祀典若有待邑素無專祠

因循未暇此惟師名世裔紹聞恒憂憂心性窮淵源學術固
根柢一爲秦川令秦民樂愷悌困阨甦瘡痍錫繁祉只
今棠陰間父母歌樂只年來絳帳懸春風得廣被詩書陳鱣
堂衣冠集槐市尙論嚴醇疵持衡慎臧否相期師古人俗慮
簸糠粃式瞻講舍旁有堂平不圯蛛網集簷楹苔痕沒階屺
云何博士齋竇奉亭侯祀浮圖老子宮維陳同鄣像國家
崇廟享二仲薦牢醴奉神歸其宮乃以肅典禮庭除誅菅茅
與漏勤糞灑遂令湫隘居頃爾成爽塏德意宣 朝廷寅恭
協竇案諏吉祀三公典型儼如在于焉采蘋繫于焉酌沼沚
敬從師儒後再拜肅筵几師先得我心私心竊自喜懷古獨
傍徨空庭閒徙倚憶昔燔臺禍衛難靡有止亂邦不可居高
賢悞投趾食焉不避難結縷心靡悔緬懷古哲人祝予痛未

已覆醢中庭中心傷由也死三公殉國難食茶甘如薺大義
炳日星潯然泥不滓先師如可作感嘆復何似廟食黷宮旁
千義亦可矣屈賈傳可同張許廟堪擬視彼機與雲奚啻相
倍蓰允矣百世師鄉拜植模楷鳳山石嵯峨龍江水清泚千
秋萬歲還吾鄉多君子

呈王述菴先生一百韻

峯泖鍾靈傑華戎議姓名經綸坤軸奠黼黻泰階平東觀羅
羣籍南皮擅駿聲淵源宗漢魏派別溯姬嬴蘭譜聯冠蓋賓
筵聽瑟笙簪花遊閬苑獻賦達蓬瀛紫殿晴光迴彤廷
瑞靄縈清吟傳謝朓內詔重韓翃日暖翻階芍秋高迥露
華薇垣工吐鳳玉署看遷鶯執法永爲鑑掄才玉作衡青箱
承絕業絳帳彙羣英微外俄傳箭朝端早請纓指揮飛騎

擁迢遞亂山行鐵壁蠻雲合金沙瘴霧橫鳴笳晨出塞撝扇
夜談兵劫盡滇池戰烽傳蜀郡驚層磧巒岨編竿浪崩汧
零雨三年客寒永萬里程雄材司馬檄上將亞夫營地險憑
封豕天威戮巨鯨磨崖銘劍閣奏凱達神京杜預驅馳
久楊雄著述精岷峨新石室江灌築詩城廟算恢王業
輿圖闡帝紘雅歌周北伐頌紀漢西征麟閣勲庸盛

鑾坡寵錫榮相臺真御史棘寺舊清卿彭蠡移仙棹匡廬拂
使旌祥刑崇甲弼教布先庚遽抱蒿莪戚應虛葵藿傾松
楸依故土桑梓動遐情志乘垂開國以下敘修志之事規模自有明祚

承三聖永世閱百年羸墟壑疏兼築華離析更并蠲

租超漢詔望幸慰吳氓黨族繁丁戶萊田徧稊稭人文頻
代謝曹署幾遷更苔蘚前朝碣荆榛異代塋名藍餘杞棘古

宅竄鼯鼯間見拘吳下風謠雜楚僖殘編多漫漶俗論總譽
譔文獻留耆碩規模屬老成詞壇推獨步雅道仗孤撐信史
春秋筆羣倫月旦評秦邦羅杞梓楚澤採蘭蘅豈謂芻蕘獻
還憑肺腑呈一經慚似續四葉溯祧祊膠序聲華早邱園道
義貞小朝危累卵大勢悟空枰迹絕鵝鸞侶心隨鷗鷺盟高
蹤傾沈范甄苑重關荆先高祖希遠公諱洞少爲華亭諸生有聲膠序間晚年
卜居辰山之麓絕意進取以翰墨自娛家徒四壁宴如
也董宗伯王太常諸公高其雅尚皆折節下之西蜀楊龍友爲郡學博時服公之才雅相結
納迫福王南渡楊以馬士英慙戚權勢相疎作書招公謂富貴可立致公曰國家之危比于
累卵而君若相惟耽樂是從此所謂水山不可倚也爲書謝之逾年而金陵失守矣詳吳日
干沈賁國緒德珪諸公所作趙母殷孺人壽序中公著有鷗鷺盟諸詩草及題畫錄行世
名見續圖繪寶笈中沈先生浩然趙公遺像云不見希遠二十餘年道風鶴行在心目間有
涯之生遺之以畫圖貞之吉得全于天昔我方少鵬詠流連今我老矣斑駁蒼顏求如希遠
孰與比肩翰墨在世高山大川潛德音徽杳清芬篋笥盈前賢留慨嘆至性本純

誠老共姜肱被貧餘穎考羹樛材甘自棄塵網漫相掇隱愛
山中豹機念海上蜻於陵抱甕灌遼水荷鋤耕

先曾祖絨菴公諱
天延天性純孝與

一齋寄移書所知曰趙公爲政明如鏡堅如鋼有古強項史風至其視民如子愛才如命薄
于自奉不改寒士之素則古稱循吏無以過之不得僅以強項目之也先君爲富公時館于
冀氏嘗手植垂柳數株數年之後其居已再易主而樹尚存土人目爲趙公樹嚴秀才重過
趙孝廉綴張秀才炳文皆有趙公樹詩歸舟載石亦當時實事也祛五黠神事見府志軼事
舊稿從良感恩流涕見張君德政詩

末學墮先業家聲隕舊簾顯揚愁髮短纂述憾

心盲時事憐長鋏生涯寄短檠荒原悲馬鬣廢寢缺魚牲身
世同朝露懷類宿醒撫衷憂耿耿望遠意忼忼北斗瞻人
瑞南山仰同楨絲藏繡趙勝鞭慕執齊嬰淺見嗤捫籥燕詞
陋覆甕因心隨驥尾聊爾效蠅鳴採擇荒權度評量繁重輕
片言榮賜袞一字感投瓊巨浸容川濬羣材彙桷朽人推大
手筆公類小鮮烹薄海思屏翰盈朝重棟甍許身原稷契致
治比顛閔夢卜王猷煥賡颺帝道亨屯雷蘇蠹動
解澤達勾萌疆啓殷周甸春頒虞夏正明堂圖職貢雅樂繼
韶龔望重三峯峙助高八柱擎河山蒙上賞秬鬯賜嘉盛已

自銘藥鼎還教勒鉞鉦平泉風月待綠野管弦迎蟲鳥占時
序桑麻問雨晴鐵崖吹笛浦白石種花坪放鶴臨烟渚烹茶
記雪院高懷尋竹院逸事話松棚歌擅商山皓書傳柱下彭
江湖思浩蕩華嶽想崢嶸天錫榮鳩杖嵩生祝兕觥德功
言不朽奕葉頌周楨

送述菴司寇重游泮宮

童年鼓篋等前塵綺席重開四坐春髣髴幔亭明月夜雲璈
瑤瑟會鄉人

昔曾游處暫裴徊傑閣臨風面面開遙望領宮宮畔水分明
前度認蓬萊

蓋代才名擅鳳池雞林爭誦白公詩鄉人偏憶垂髫日早擷
瑤華第一枝

先生第一
名入學

四國旬宣徧頌聲中朝人說舊清卿多緣自任由來重廊廟
江湖萬古情

坐擁圖書擬百城依然逢掖老諸生那知鐵壁金沙外羽扇
曾揮十萬兵

凌雲才筆擬相如著作頻聞典石渠此日黌宮留寶笈頒來
已是卅年餘

先生嘗奉勅修一統志通鑑輯覽諸書丁丑召試詩賦備載南巡盛典久已頒發學宮

鈞天樂奏九如歌國老承恩雨露多攜得尚方靈壽杖

少年場裏更婆娑

嘉慶元年召與千叟宴

林下逍遙近十年鑑湖一曲主恩偏若教從此登雲路

及第還居梁灝先

京雒浮塵十丈紅斷離人笑舊家風銅山金穴須臾事卻美

蕭疎一畝宮

先生書塾聯語特引用范文正公斷橋遺菊事

衡才自昔佐 昌辰閱歷名場六十春閒把文章溯流派仙

源一棹指迷津

先生六次爲
鄉會試考官

遙峯環抱水縈紆二百餘年毓秀區爲問看花上苑客幾人
曾到舊元都

歸然人望魯靈光頓水今歌第二章正似寒梅留老幹一枝
瓊萼領羣芳

南皮游讌舊時同此日文壇望並崇兩地膠庠添盛事流傳
佳話徧江東

開禧定錢竹汀宮
啓亦重游損宮

常向丹青認故吾雪泥鴻爪未模餽何當更倩僧繇筆旂影
鸞聲盡入圖

先生自少壯以來閱歷之境
皆曾繪圖題爲雪鴻紀蹟

桂苑花開接杏園仙都寧復羨桃源從今次第重游徧屈指
春風十四番

計將來重宴瓊林
亦祇一紀有餘

大椿知歷幾千秋
嘯傲湖山等十洲
應爲早年茲誦地
一逢周甲一來游

莊師洛

字蓴川婁縣人諸生

月夜懷人

虛館含清風
早涼生高樹
散髮滌煩襟
微吟愜幽步
月色淡如此
佳人渺何處
仰視銀漢橫
迢迢西南路

筍山晚眺

不信九峯外
茲峯景絕佳
我來乘夕照
極目散愁懷
橫泖風帆駛
葦城雲樹埋
欲尋雨華洞
于此結茆齋

金陵懷古

寄奴伐荻起新洲
運去彭城國祚休
落木臺空看戲馬
寒雲

城裏聽符鳩典籤裁抑傷同氣歛板鋒稜蓄異謀璽綬敕收
循故例淵生粲死古今愁

憶破雲龍木德非紛紛稗販尙依稀解圍已恃迎靈帝沽酒
何妨倩貴妃苑擬建章銷劫火堂虛閑武淡斜暉故應落葉
悲吟客遙望家山淚滴衣

蕭寺捨身國亦傾婁迷烟柳古臺城重雲殿裏環僧衆朱雀
航前駐敵兵建業金甌愁易缺江陵玉軸嘆空盈閑來讀罷
蘭成賦回首南朝倍愴情

地如手掌逼強隣狎客相誇玉樹新未見烟花歸大業只聞
歌舞屬臨春哀鳴可恠山頭鳥羞拉偏憐井底人寄語阿麼
看覆轍錦帆何事遂亾陳

黃花漲淺敵兵過可念家山破奈何醉舞有珠懸照夜軍容

無綵給淩波收將天水看仍碧失却春風惜已多一自倉皇
辭廟社傷心揮淚對宮娥

寶鼎曾移靖難年又聞南渡此圖全文孫已失分藩地殘局
難支半壁天妙選蛾眉忘故劍巧翻玉樹譜新箋 王師忽
下宮車出依舊當頭見月圓

徐文錫

字竹所吳縣人諸生有竹所遺稿

夜宿天平兼山閣

春游潛忘歸夜與雲俱宿新月蕩客懷松窻恣遙矚山蹊泉
遡喧竹扉露如玉僧離梵唱傳野寺疎鐘續子影寄巖樹孤
衾夢國獨

冬晚訪施雲崖不值

貧居無客到歲晚愜幽尋一過南邨路每多塵外心山禽流
夕響寒日下疎林之子渺何處白雲吟望深

遲暮

遲暮悲生事蹉跎未有涯一瓊空老大雙鬢送年華苑繁難
爲食萍飄到是家依人當歲晚獨立羨歸鴉

孫 曾

初名煒字肅甫嘉善人貢生

蕭楊山房詩話肅甫以族貢生依人萬里外余在雲南識之氣宇混醇老而彌粹
詩如其人句如日烘岸草穿沙嫩烟霄籠花帶露寒過從三徑多賢友點勘千秋
有異轡水浮小艇波紋滑山帶平林翠黛勻回首舊懷同輩少斷腸猶爲結交多
故園月色歸蓬底永夜江聲撼枕邊一路橋林山影亂千村鳴打夕陽多皆春容
暉緩之音也

膠城王定山以其師陳宏猷先生所著四書就正錄
暨故友殷元爽先生詩稿見眎並將壽之梨棗此古

誼也作此以贈

青山白屋閒抱質愿且賢足跡半寰宇碑版暢幽悃師友陳
與殷零落遺殘編或剛發孔孟或吟咏蘭荃皮藏行笈笥簪
勸窮歲年云是後死責剗剗待流傳以茲敦薄俗餘事良無
愆士不顧窮餓訓詁而漁畋一朝長已矣楮墨隨雲烟守之
俾勿失感泣徹重泉

皖江道中題吳蓋臣所贈畫卷

讀畫論詩幾往還無端祖道出江關宣城渡口春殘後烟柳
濃於郭外山

丁未臘月廿一夜宿五華山寓齋懷朱林一

夢醒鴻爪忽西東榻榻殷殘數點紅一枕松濤風又斷梅花
香細月玲瓏

鍾駕鰲

宇繩祖嘉興人貢生有海六詩鈔

入夏以後綿雨不休卽事咏懷偶成四首

負米歸來息舊林竹西回首客愁侵世無知我休彈鋏壯不
如人敢碎琴門外烟波濃淡晝燈前風雨短長吟夢消永日
頻移枕無復飛騰志士心

自笑生涯任轉蓬悠悠殘夢雨聲中病多大類霜前鶴老去
誰憐鬢後桐早識文章終覆瓿虛糜歲月事雕蟲平生知己
縈懷甚譽擅無雙感謝公

謂紅蕉
堂先生

堤柳蕭疎竹樹清三年留滯廣陵城千家樓閣珠簾卷十里
笙歌畫舫明水部新詩同覓句

謂李抑
藩州守

樊川舊夢最關情回思

暮雨蕭蕭夜腸斷江南玉笛聲

湖海詩傳卷三十九

三

精監得雨近登臨何必游縱似向禽忙裏尋聞聽念佛名鳥空

中有色見塗林龍牙茶熟初飛雪虎掌瓜寒好鎮心清磬一聲塵外遠三乘參罷對榕陰

汪大經

字書年號秋白嘉興人貢生有借秋山居詩鈔

蕭山詩話秋白籍居秀水爲黃城生年往來吳越間雨後風樹筆牀茶罷所至輒訪其名勝及與明人後士交能書畫散體文又能沈氏同學詩清新峻拔絕人自然羣詞斐行樓之後勁也

紫雲洞

曉起斷檐溜微陽漏耿耿因逐樵人蹤來過湖西嶺間磴蘿
鼓旋仄徑隨青亘人從樹杪上百折乃至頂裕符闢古洞吞
吐濕雲影崖傾危難留壁立勢何猛肩脊類入窺坎甬比坐
井山深古木寒洞細流泉靜欲學阮公嘯恐驚蛟龍醒蛟蛟

陰風生逼我毛髮冷拾級梯而登出險衣迺整疎林出磬聲
吟策思更騁

談箋三十韻

國書重白麻法書尙白練古人用各宜貴素弗貴絢有明談
仲和製箋共稱善乃祖侍郎公入直邀主眷內府多秘藏攜
歸自別殿當時秘不洩遺法授後彥仲和其從孫斯技妙獨
擅選材竹稿良蠟密百番揀拓背膏細勻側理漿暗澹疊以
雲舒舒研之雪片片鋪槽淡日烘縣桁嫩風扇薄洒金熨帖
淺揭花隱見稍煩黃蠟揩暑經碧硃鍊層層淨玉膚溶溶澄
鏡面既殊剡川藤亦勝驚溪絹其妙在本色無取朱粉礙愛
茲質瑩潤恰稱筆老健捆載致遠可束裝攜餽便攸往占易
卦利幾中夏徧豈止充藝林亦且備宸院如何法失傳紛

紛造都廣誇奇貨競居增華價反賤譬彼噉名客實去名尙
戀吾也生已晚真者未獲見考古識遺製乃知今製變年來
寓葦城生計惟筆硯手曾十樣披目慣五色炫草草供塗抹
何暇致深辨蠅頭苦細書聖首日常晏打門者誰子又聞索
題卷

靈巖山

朝曦射初曉影落峯際塔舍與步仄徑粒粒露珠踏寺門面
湖開湖光互歎飲想見烟暝時濕翠萬頃納琴臺眇何處導
我來破衲躡屐躡其巔拂袖松風颿雲外一聲鐘響聽四山
答

野泊

三月春風顛落花雜飛絮舟行闊淺沙野宿不知處夜半暗

潮生孤篷載夢去

風雨不寐有感

尖風射罽倖鬼嘯短鋏燈檠閃殘照蕭蕭落葉打寒牕僵木
怪鷗挾雨叫風聲雨聲戰葉聲萬聲力與萬竅爭使我聽之
不得寐夜半起舞思劉生匣中劍亦錚錚鳴

楊吳大安寺鍊香爐歌

楊吳太和僞改元世亂矣竊帝號尊江山半角侈雄據專事
福利崇沙門洪爐鑄供大安寺風輪鼓橐雷車奔蓮萼作頂
葉作蓋如峯突兀遶朝曦重萬二千高似五工監特誡內監
孫聚六州鍊鑄此錯緣化下括村夫村霸圖誕冀佛力護詎
識煬竈先徐溫虛堂博山熒暗燄秘謀籌畫灰無痕彼火則
活此火死哀哉旋泣釜底魂有其舉之莫或廢代更物換爐

猶存摩挲每邀過客訪銷歇無復沈檀歇吾鄉竹垞稱博古
銘文惜未全討論茲看頑鈍泯香色苔蘚剝蝕蒼烟昏汴京
香井此豈類出門一笑吟髯掀

過淨慈寺憶熒虛上人

明中

偶然塵夢醒來聽雨餘鐘暝色歸深樹秋陰染一峯自從齊
已去難更德雲逢舊日論詩地蒼涼徑蘚封

客裏

客裏重爲客煙橈溯斷津挑燈坐深夜聽雨送殘春性拙難
諧俗才疎不救貧此行還自笑誰爲念勞人

石門灣

壤火石門灣孤城早閉關西風夜市靜小雨客舟閒野宿生
秋思邨酤暖醉顏陵晨挂帆去一髮瞰青山

陶然亭

四圍濃翠滴愛此草亭幽風葉晴疑雨冰泉夏亦秋時來河
朔飲興發郢中謳一事增惆悵斜陽隱渡頭

述庵先生取宋漫堂中丞廬山僧寺所藏小像重摹
供于北蘭寺綿津詩屋偕同人往祀之祀畢小飲卽
用中丞韻二律

前賢棲止處爾室亦如蘭選勝留初地流光等急湍庭空花
破寂林密鳥投安不盡臨風感遐心託翠巒

及茲春未去撰杖侍雲亭醺酒杯浮白鐫詩竹削青舉頭延
素月僂指賦晨星

時述庵先生已有
遷少司寇之信

大雅思誰繼箏琶本倦聽

抵松江後作

卜得菰蘆鄉外居葦簾招我賦歸歟江湖頗悔輕橫櫂風雨

難忘舊敝廬慰藉聊憑三勺酒平安先報一緘書故園朋好
如相問爲道疎狂習未除

九日病中作

無分林樾結伴嬉兼旬頽卧夢迷離健騰雙展豪心在寒逼
重衾病骨知臆葉撲驚秋淅淅爐香焚送晝遲遲紫團白墮
俱愁我換得酸辛藥一卮

門蟋蟀聯句用韓孟門雞句韻

候蛩感秋生

大經

狎客聚族待居壁善養銳

翁春石

登壇競博彩石

產體乃剛

大經

羣化病則殆辨名陸疏詳

春

品類賈經在雌伏

飲丁斧

大經

雄遇張甲斂紛紛列廣場

春

各各踞高壇圭竇權

頻頻

大經

九泥封磊磊朝藟夕始食

春

有約無肯改圓睽雙睛

青

大經

堅奮兩牙齧聲先偶一鳴

春

氣特增十倍六跪助相搏

大經 一心甘付醢深喜獨勝勇 春 竊耻交綏餒拱立持且僵 大經

倏竄遁非給急追贖鹵申 春 暗擊郢逢亥碎首真何辜 大經

項竟加罪裂齒腦髓逆 春 傷股血腥浼用酬一飯恩 大經

千金賄環暗屹成林 春 誼呼沸翻海剋期再礪能 大經

休息策勲爾徒爲 春 丕績孰嘉乃藏之盆三花 大經

綵賈餘常矜豪 春 迎歸捷報凱罷豈秦貶恬 大經

流風狂吳俗 春 游戲怪宋宰庶幾良士篇 大經

周厚堉

字仲育婁縣人諸生

蕭獨山房詩話仲育居婁縣干山共先世與趙松雪諸名人交好自元及明藏書至萬卷父忠衛工隸書是時詔求天下遺書周氏經進者多上賜以御纂賦文韻府又以御製石刻賜之又題其所進宋本漢書皆異數也辛丑仲育從子遊適字過山中因得拜而誦之仲育取詩中來兩字以名其書樓屬子作記惜爲吾松他日索題三

小檀園續修襖得賢字

高會移中澣開成紀昔年纔過上已節總值莫春天宴續東

堂約裙仍南澗漸却援重九例非礙曲江筵

唐玄宗開成元年歸德爲京兆尹時過曲江

陽春改十三日爲上巳見天中記

十日期初展千秋制尙沿檀園糾雅集綺席擘

蠻腹跡尙交游遍心寧仕宦牽菖湖榮衣錦淝水謝烹鮮招

隱柴桑里歸耕陽羨田林巒疑谷口竹木狎平泉折柬尋相

約呼朋每共延欣依白傳社屢泛米家船座接金閨彥名齊

玉局仙冲懷流藹藹丰度致翩翩夙仰人如玉同誇筆似椽

冶春司理句修襖右軍篇舊雨聯褰屐薰風醉管絃形骸須

脫畧文字慣留連鑑檢名香燕錯停活火煎都盤茶具足列

鼎食單全饒飯長腰米侯鯖縮項鰻蓴鱸兼別味櫻笋飯加

薄朽隣羽觴進花催羯鼓傳興酣嫌燭短酒罷聽歌妍婪尾

葩應吐鼠姑色未薦園場排踔踔素架腎鞦韆柳撲晴僮紫
荷翻淺沼錢池塘風欵欵樓榭月娟娟疊翠奇峯湧捫蘿仄
徑穿嬌鶯窺葉底馴鶴下松顛放浪忘形役幽棲習地偏迹
陳情更戀事過境隨遷曩夕鈞方掛今宵鏡漸圓淡旬儲美
景練日聚羣賢時喜冠裳萃門看車馬闕上賓吳季札列坐
李龍眠濯濯王恭柳亭亭庾杲蓮何人能顧曲有客愛逃禪
氣誼羊求合聲華顧陸先俗情憎襍穢仙骨羨褊褊不速占
紛若相逢儘偶然珠璣生歆唾藻采落雲烟體彙短長什詩
成倡和編分闕翻韻譜擊鉢助吟聯競病誰工抑妃豨漫解
填猥慚覆瓿作就正運斤前暢聚殊難繼重來洵有緣琴尊
多跌宕壇坫獲周旋門捷頻叉手爭先敢着鞭三三遲再聞
還擬與隨肩

張雅宗

字習之青浦人諸生梁孫早卒有操縵居詩鈔

晚秋漫興

金風蕭瑟颺湘簾寒氣依稀入短檐
濁酒肯辭連夜醉新詩且喜一秋添
爐邊烟裊炊黃獨枕畔鐘鳴破黑甜
病起未甘疎卷帙菊花香裏整牙籤

屏跡幽棲寡所諧悽悽蛩語喚吟懷
山當秋老容偏瘦菊到霜濃色漸佳
一局楸枰藏犄角三杯醽醁外形骸
倦來乍覺添空寂月弄疎陰逗小齋

雨窗得青字

顛風送雨入重櫺簷溜淙淙怕獨聽
水漲小橋浮鴨綠烟凝遠岫失螺青
苔痕斑駁盈階地草色萋迷遶戶庭
漠漠愁雲

終不散未容乳燕試梳翎

一萬福

字近蓬鄞縣人諸生有玉倉詩鈔

周亦庵明府招同顧諫園余松岩松屏蔡卧雲曹仙
耨作展重九之會分得光字

濂溪家有好林塘迤邐城東並女牆壁上廬山屏九折案頭
海岳字千行菊因霜冷遲猶艷桂趁風微晚愈香爲展重陽
開美醞如君真不負秋光

石渠

字午橋婁縣人監生有石田子詩鈔

和廖屺堂刺史石雲寺韻

匹馬尋春走石巔綠藏紅寺夕陽邊瀑過佛頂驚僧定葉落

花臺醒鶴眠嶺樹雲移青到地松巒石破碧摩天每從險處
逢佳境萬壑千巖又滿前

湖海詩傳卷三十九